

Biografia di Franklin Granadillo (Frank)

Franklin Edmond Granadillo, a nace na Aruba dia 29 di April 1958.

Franklin no tin un nomber artistico pero na cas nan ta yam'e Frank. Nomber di Franklin su tata ta Norberto Jesus Granadillo y nomber di su mama ta Renolfa Guiermina Kock. Fecha di nacemento di su tata ta 1928 y di su mama ta 1937. Franklin a nace na Savaneta y a lanta un gran parti den Savaneta pero Franklin a biba den diferente barrio na Aruba. Franklin nan ta sinco ruman, tin cuater ruman mohe mas. Franklin ta e Mayo den su rumannan. Franklin ta casa na aña 2008 cu Olga Soraya Antonnete y su fecha di nacemento ta 1961. Franklin Granadillo tin tres yiu cu su prome casa. Franklin su yiu homber ta mayo e ta yama Jeremy y ta naci na aña 1985 y di 2 ta yiu muhe e ta yama Melody y ta naci na aña 1986 y di 3 ta yiu muhe e ta yama Felanty y ta naci na aña 1993. Franklin tin mas musico den famia serca, Omonan cu ta musico.



Segun Franklin e bida artistico ta importante pa e por ta parti di su bida

Segun Frank ta un momento pa bo expresa e partinan bon di un hende tambe

Definitivamente si, pero Franklin tin cu bisa aserca cu pami e tawata importante pa e por ta parti di su bida y no su bida. E la forma parti di su bida. E la yuda shape su bida, pero Franklin ta kere den e actividadnan musical nan mester por muestra tambe ken nan ta realmente como ser humano. Ta un momento pa bo expresa e partinan bon di un hende tambe. Ja, dus no solamente na cas of den famia, caminda cu bo ta bo mester por expresa e mihor partinan di un hende. Corecto, no ta djies toca, pero bo ta toke den relacion cu bo companero musico nan cu e publico dus e interaccion mester ta sano.

E bida artistico

Bon e la cuminsa tempo Franklin tabata tin 10 aña, E tabata biba na Savaneta, anto tabatin un steelband Jumping Jewels di su omo Ronny Kock y Franklin tabata observan toca etc anto y un dia Franklin a haya interes den toca steelband anto eyan basicamente ya su interes como musico a cuminsa crese, el a toca un par di aña steelband y tocando steelband mes nan tabata toca na hotelnan el a mira e orquesta di Caribbean Hotel, caminda cu George Viquer tabata toca anto ya eyan Franklin su gana pa e instrument Trompet a cuminsa y djeyan e resto ta historia Franklin a sigui desaroya ariba dje. Franklin a cuminsa

basicamente ariba su mes asina cu el a haya smak. Franklin a haya y tabatin un paar di sen warda un banda eyan door di tocamento di steelband mes y Franklin a bay cumpra un trompet marca Raynolds, Franklin no ta corda nomber di e tienda tabata na Playa e no ta corda si ta La Bonanza, un di nan anto el a cuminsa train ariba su mes y sin ningun guia particular y cu mi 14 aña el a cuminsa, el a haya sa di un curso cu defunto Arnold Beyde tabata duna na YMCA na San Nicolas, e tempo ey Franklin tabata biba na Tanki Leendert dus pa e yega les e mester a cana cu su trompet bay playa coy bus y



Franklin Granadillo hunto cu George Viquer

Graduacion di Franklin Granadillo



Berklee College of Music 1981

bay Sanicolas, tuma su les anochi despues coy bus bay playa y cana bay cas bek dus e tabata ya basta largo pa Franklin por a yega les pero e tabata tin smak pa yega les. Ora Franklin a cuminsa el a haya teoria den musica y no mucho quia ariba trompet, mas tanto teoria den musica pero e tabata bay di trompet na cuminsamento anto despues tabata tin un curso cu segun Franklin ta ADAYMA. Franklin a cuminsa anto George tabata duna les anto Franklin a

cuminsa haya les serca George mientrastanto el a cuminsa toca den bandanan Los Juveniles, La Nueva Fuerza. Den aña '70, si y el a participa den tumba, calypso festival etc, y na aña 1978 ora el a caba MTS bouwkunde el a dicidi di bay studia musica, e ora Franklin a bay Berklee College of Music na Merca pa cuater aña. Franklin a gradua na 1981, y el a bin bek y cuminsa participa den e mundo di musica na Aruba den liñanan grandi.

Dedicacion y estilo musical

Franklin su dedicacion tabata na e trompet naturalmente. Den su practica e ta dedica hopi na versatilidad cu ehercionan tecnico mes, pasobra tin hopi capacidad musical por ehempel manera ora bo toca jazz. Bo ta improvisa, por ta bo tin in spiracionnan di melodianan den bo cabes, pero no ta den bo cabes nan mester keda. E mester sali door di instrument y pa logra esey, bo mester tin e conexion y habilidad tecnico pa interpreta hopi na

nan. P'esey Franklin ta dedica esey pa e por tin e conexion y facilidad pa toca loke e ta crea na e momentonan ey. E ta dedica no menos cu 2 ora tur dia di practica, pasobra trompet ta un instrument cu ta exige hopi di e tocado, e no ta pordona. Si bo keda 1 of 2 dia sin practica, no ta facil pa bo recupera e bashi y fayó cu a presenta, ta masha lihe bo ta sintie. Tocante ritmo y estilo cu Franklin a dedica mas tempo na dje ta obviamente jazz, pasobra e ta gusta jazz.

Segun Frank pa haci Improvisacion, bo mester tin e conexion y habilidad tecnico pa interpreta loke bo tin den bo cabes

Desaroyo musical



Franklin Granadillo tras di su trompet

Franklin ta haya cu trompet ta un instrumento hopi interesante. E no ta un instrumento facil. E ta exige hopi di bo condicion fisico, anto pa Franklin esaki tabata un reto pa di e forma ey, e por domina e instrument. Semper el a keda mantene su mes riba un rutina di praktica continuo y dedicacion. Su preparacion prome cu el a bay studia na Berklee College mes, tabata cuatro aña. George Viguer

tabata un tremendo maestro, e tabata sa hopi con pa haci analisis ora bo ta toca, con bo ta uza e parti fisico cu ta bo lipnan, lenga y rosea. E parti fisico aki, Franklin ta aplica tambe cu su studiantenan. Si mester haci un comparacion di tempo ey y awendia, antes practicamente no tabatin acceso na niun informacion. Awor tin tur informacion riba internet.

Participacion den gruponan of festivalnan musical

Franklin tin hopi miedo di menciona pa no laga niun afo, pero nan ta basta. Los Juveniles, La Nueva Fuerza, Musical Times, Papito y su Doble Sabor y tabatin diferente toca freelance tambe cu ta basicamente tur banda artisticamente na Aruba cu na un momento of otro Franklin a toca cu nan. El a toca tambe cu Robert Jeandor y su solo Banda. Franklin Granadillo a participa den

orkesta di diferente festival di canto, e.o. Festival di OTI, Voz Di Oro, Voz y Landia, Festival di Tumba di mucha y di hende grandi y Calypso. Tur tabata festivalnan mas prominente na Aruba. Tambe Franklin a participa hopi biaha den orkesta pa otro Festivalnan cu a bin. Despues tabatin Aruba Jazz & Latin Festival. Tambe el a participa den e Festival di Tumba ABC na Corsou.



La Nueva Fuerza

Grabacionnan realisa

Segun Franklin tin bastante grabacion cu el a haci. Basicamente Franklina a cuminsa graba prome cu el a cuminsa studia caba. Su prome grabacion ta cu Los Juveniles na aña 1970. Segun Franklin ta Eddy Tromp a pone e zonido y graba tambe den Cas di Cultura. Mi no ta corda e nomber di tumba awor, pero di e tempo ey caba el a graba pa masha hopi grupo. Franklin mester bay busca un lista di dje.



Los Juveniles

E parti internacional

Franklin Granadillo tin algun banda cu el a biaha cu nan tambe, e.o. cu Papito y su Doble Sabor pa Hulanda diferente biaha, dos biaha cu Pride, otro biaha tabata pa un gira di un luna tocando na Hulanda y tambe cu La Nueva Fuerza el a bay Colombia diferente biaha. Tambe Corsou, Boneiro, Venezuela, Miami Florida pa calle ocho cu La Nueva Fuerza. Hopi biaha tabata pa duna concierto riba peticion di e promotornan.

Acontecimiento cu Franklin a considera mas importante den e bida artistico

Pa Franklin cada presentacion e ta considera importante. E momento cu nan acerca Franklin, e ta bay haci su maximo esfuerzo pa e duna e miho presentacion, sin importa kico el a yega di toca caba of no. Pa Franklin ta asina e reto ta y e ta traha. E ta gusta e momentonan por ehempel ora cu tin festival, caminda nan ta bin cu partituranan cu ta “challenge” bo un poco, pero e satisfaccion ta pa ora bo bisa waw, el a zona bon. E no ta bay pa orguyo ni nada, e ta bay pa bo haci loke bo tin di haci. E areglista ta skirbi partitura, ta pa e scuch’e con e ta bay zona. Por ehempel si bo tin un cantante, percura pa e cantante por haya e miho acompañoamento posibel. Anto ora cu bo por cumpli cu esey, anto bo ta cumpli cu e meta di ta un musico riba nivel.

Sugerencia pa futuro generacion

Loke un hende kier logra, principalmente nos hubentud, mester pone e meta su dilanti. No lag'e keda solamente como un deseo, haci esfuerso pa dedica mas tanto posibel na dje y pa bo por logra cumpli cu e deseo ey. Si bo kier bira musico di cualkier nivel, no ta algo cu ta wordo regala. E ta algo cu bo tin cu traha p'e y esey ta nifica tur dia dedica na bo instrument. Hacie cu disciplina! Pasobra hopi biaha nos tin intencion di haci algo, pero e no mester keda na intencion so. Mester tin accion su tras. E unico manera pa logra algo ta door di haci! Haci bon uzo di informacion y di bo tempo. Bo por yam'e sacrificio. Franklin ta prefera yam'e dedicacion. Sacrificio ta manera bo ta sinti dolor pa haci algo. No, e no mester ta asina! Tin biaha e ta dolor, pero e dolor ta parti di dedicacion. Tin diferente nivel. Pero si bo kier crece, e ora bo tin cu traha pa bo yega na e nivel desea. Esey no ta conta pa musica so.

